



SLUŽBENE ZENIČKO - DOBOJSKOG NOVINE KANTONA

Godina XI - Broj 2

ZENICA, Ponedjeljak, 06. 03. 2006. g.

SKUPŠTINA

33

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 39. sjednici održanoj 15.02.2006. godine, d o n o s i

ZAKON

o prestanku važenja Zakona o platama i naknadama nosilaca sudske i tužilačke funkcije u Zeničko-dobojskom kantonu

Član 1.

Prestaje da važi Zakon o platama i naknadama nosilaca sudske i tužilačke funkcije u Zeničko-dobojskom kantonu ("Službene novine Zeničko-dobojskog kantona", broj: 10/05).

Član 2.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjivat će se od 01.01.2006. godine.

Broj: 01-02-3341/06
15.02.2006. godine
Zenica

PREDSJEDAVALJUĆI
Besim Spahić, s.r.

34

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 39. sjednici, održanoj 15.02.2006. godine, d o n o s i

ZAKON

o izmjeni Zakona o pripadnosti javnih prihoda na području Zeničko-dobojskog kantona

Član 1.

U Zakonu o pripadnosti javnih prihoda na području Zeničko-dobojskog kantona ("Službene novine Zeničko-dobojskog kantona", broj: 1/06), član 8. mijenja se i glasi:

"Za nastale a neizmirene obaveze do 31.12.2005. godine, primjenjivat će se Odluka o privremenom ustupanju izvornih prihoda Zeničko-dobojskog

kantona općinama ("Službene novine Zeničko-dobojskog kantona", broj: 17/00, 2/01, 5/01, 10/01, 14/02, 7/03, 4/04 i 7/04).

Član 2.

Zakon stupa na snagu danom objavljivanja u "Službenim novinama Zeničko-dobojskog kantona."

Broj: 01-02-3342/06
15.02.2006. godine
Zenica

PREDSJEDAVALJUĆI
Besim Spahić, s.r.

35

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 39. sjednici održanoj 15.02.2006. godine d o n o s i:

ZAKON

o bezbjednosti održavanja sportskih takmičenja u Zeničko-dobojskom kantonu

I OPĆE ODREDBE

Član 1.

Ovim Zakonom uređuje se bezbjednost održavanja sportskih takmičenja na području Zeničko-dobojskog kantona (u daljem tekstu: Kanton), bezbjednost gledalaca, takmičara i drugih učesnika sportskog takmičenja ili sportske priredbe, sprječavanje, suzbijanje i sankcionisanje nedoličnog ponašanja, nereda i nasilja, prije, za vrijeme i nakon sportskog takmičenja ili sportske priredbe i druga pitanja od značaja za bezbjednost ljudi i imovine.

Član 2.

Pojedini izrazi upotrebljeni u ovom Zakonu imaju sljedeća značenja:

Sportsko takmičenje- svako takmičenje organizovano prema utvrđenim pravilima sa ciljem postizanja sportskih rezultata;

Sportski klub- je svako udruženje, ustanova ili privredno društvo koje učestvuje u sportskom takmičenju;

Organizator sportskog takmičenja- je sportski klub, sportski savez, sportska udruženja i druga pravna i fizička lica koja organizuju sportska takmičenja;

Sportski objekat - je izgrađeni ili prirodni objekat namijenjen sportu, koji ispunjava uslove za održavanje takmičenja, treninga i druge sportske aktivnosti. Sportskim objektom pored gore navedenog smatraju se i drugi zatvoreni ili otvoreni objekti koji služe obavljanju drugih djelatnosti kada se povremeno koriste za sportska takmičenja;

Rukovodilac obezbjeđenja - nadležni policijski rukovodilac koji rukovodi cjelokupnim obezbjeđenjem sportskog takmičenja.

Redar - je zaposlenik organizatora sportskog takmičenja ili lice koje je angažovano na tim poslovima od strane organizatora sportskog takmičenja, kao i zaposlenik Agencije za zaštitu ljudi i imovine koja je angažovana od strane organizatora takmičenja.

Član 3.

Ovim Zakonom se propisuju:

- protivpravna ponašanja prije, za vrijeme i nakon sportskog takmičenja ili sportske priredbe (u daljem tekstu: sportsko takmičenje);
- obaveze i odgovornosti organizatora sportskog takmičenja (u daljem tekstu: sportski klub);
- posebni uslovi koje moraju ispunjavati sportski objekti i obaveze i odgovornosti vlasnika ili korisnika sportskih objekata;
- obaveze i ovlaštenja redara;
- obaveze i odgovornosti gledalaca sportskog takmičenja;
- obaveze i odgovornosti svih učesnika u takmičenju (sportista, trenera, sudija i drugih lica - učesnika u takmičenju);
- prekršaji i sankcije za protivpravna ponašanja propisana ovim Zakonom.

Član 4.

Prekršajima u smislu ovog Zakona smatraju se:

1. Posjedovanje ili upotreba oružja ili drugih sredstava pogodnih za nanošenje povreda i stvaranje nereda.
2. Posjedovanje ili upotreba prototehničkih sredstava.
3. Posjedovanje ili konzumiranje opojnih droga ili alkoholnih pića.
4. Unošenje u sportski objekat oružja i drugih predmeta pogodnih za nanošenje povreda ili za stvaranje nereda.
5. Unošenje u sportski objekat prototehničkih sredstava.
6. Unošenje u sportski objekat opojnih droga ili alkoholnih pića.
7. Unošenje ili isticanje transparenata ili drugih predmeta sa tekstom, slikom, znakom ili drugim obilježjima koja vrijeđaju nacionalna, vjerska, rasna i moralna osjećanja građana ili potiču mržnju ili nasilje.

8. Pjevanje pjesama ili izvikivanje poruka ili na drugi način vrijeđanje nacionalnih, vjerskih, rasnih i moralnih osjećanja građana koje potiču mržnju i nasilje.

9. Bacanje predmeta u takmičarski prostor ili u prostor za gledaoce ili bacanje predmeta iz sportskog objekta u okolni prostor.

10. Paljenje navijačkih rekvizita i drugih predmeta.

11. Prijetnje, pozivanje ili poticanje na napad ili tuču na druge gledaoce, redare, službene osobe ili druge učesnike u sportskom takmičenju.

12. Učestvovanje u tuči ili napadima na druge gledaoce, redare, službena lica, kao i ostale učesnike u sportskom takmičenju.

13. Nedožvoljen ulazak u takmičarski prostor.

14. Uništavanje ili oštećenje dijelova sportskog objekta, prevoznih sredstava i druge imovine.

Prekršaji iz stava 1. ovog člana smatra se da su počinjeni u vrijeme održavanja sportskog takmičenja, kao i u vrijeme dolaska i odlaska navijača sa sportskog takmičenja.

II ORGANIZATOR SPORTSKOG TAKMIČENJA

Član 5.

Organizator sportskog takmičenja dužan je procijeniti mogućnost izbijanja nereda i nasilja na sportskom takmičenju i poduzeti razložne i opravdane mjere radi njihovog sprječavanja i suzbijanja, propisane ovim Zakonom i drugim zakonima i propisima, te propisima međunarodnih i domaćih sportskih saveza.

Organizator sportskog takmičenja u procjeni opasnosti od nereda i nasilja, te ocjeni potrebnih mjera za njihovo sprječavanje i otklanjanje dužan je organizovati efikasnu redarsku službu i saradivati sa nadležnom policijskom upravom.

Organizator sportskog takmičenja dužan je obezbjeđiti da se za sportsko takmičenje u promet stavi samo određen broj ulaznica za gledaoce koji odgovara projektovanim kapacitetima sportskog objekta, odnosno broj ulaznica koji se određuje shodno propisima međunarodnih i domaćih sportskih saveza u zavisnosti od vrste i nivoa sportskog takmičenja.

Član 6.

Organizator sportskog takmičenja mora sačiniti Plan evakuacije kojim će biti utvrđena postupanja u slučaju vanrednih situacija (rušenje tribina, krova, požar, nekontrolisano kretanje mase gledalaca i dr.).

Planom evakuacije moraju se predvidjeti nužni izlazi u slučaju vanrednih situacija iz stava 1. ovog člana koji bi bili posebno vidljivi i označeni.

Plan evakuacije donosi se nakon konsultacija sa policijom, vatrogasnom službom i službom hitne medicinske pomoći.

Organizator sportskog takmičenja dužan je, prije početka sportskog takmičenja, upoznat sa Planom evakuacije predstavnike sportskih klubova, sudije i druge službene osobe na sportskom takmičenju.

Član 7.

Organizator sportskog takmičenja je dužan prije ulaska gledalaca u sportski objekat izvršiti pregled istog radi pronalazjenja predmeta koji se ne smiju unositi u sportski objekat.

Redari, medicinsko osoblje i vatrogasci moraju biti na svojim tačno predviđenim i označenim mjestima prije ulaska gledalaca u sportski objekat sve do njihovog izlaska iz sportskog objekta.

Član 8.

Organizator sportskog takmičenja, ovisno o vrsti sporta i nivou takmičenja, vrsti sportskog objekta, očekivanom broju gledalaca, te procjeni opasnosti od izbijanja nereda i nasilja, mora organizovati redarsku službu sa dovoljnim brojem redara.

Član 9.

Organizator sportskog takmičenja, ovisno o vrsti sportskog objekta, mora obezbijediti rukovodiocu obezbjeđenja adekvatnu prostoriju čiji položaj i oprema omogućuju vizuelno praćenje sportskog objekta ili njegovog dijela u kojem se odvija sportsko takmičenje.

Član 10.

Organizator sportskog takmičenja može dogovoriti sa gostujućim klubom da poslove redarske službe među gledaocima-navijačima gostujućeg kluba obavljaju i redari gostujućeg kluba.

Član 11.

Organizator sportskog takmičenja može pozvati udruženje navijača domaćeg i gostujućeg sportskog kluba da zajedno razmotre mjere koje mogu poduzeti radi sprječavanja nereda ili nasilja prilikom takmičenja.

Član 12.

Organizator sportskog takmičenja dužan je za vrijeme održavanja takmičenja obezbijediti hitnu medicinsku pomoć i vatrogasnu službu.

III REDARI

Član 13.

Organizator sportskog takmičenja može organizovati redarsku službu iz reda svojih zaposlenika ili angažovati druga lica koja ispunjavaju uslove iz člana 17. ovog Zakona.

Organizator sportskog takmičenja može za poslove redara angažovati zaposlenike Agencije za zaštitu ljudi i imovine po osnovu posebnog ugovora sklopljenog sa Agencijom.

Član 14.

Redarska služba mora biti organizovana sa hijerarhijski postavljenom rukovodnom strukturom.

Redari moraju na odjeći imati vidljivo istaknute oznake ili natpise koji označavaju da su pripadnici redarske službe.

Angažovana lica Agencije za zaštitu ljudi i imovine moraju nositi uniforme i posebne iskaznice.

Član 15.

Redari su ovlašteni:

- izvršiti pregled svih lica koja ulaze ili se nalaze u sportskom objektu radi pronalaska ili oduzimanja predmeta iz člana 4. ovog Zakona;
- zabraniti pristup u sportski objekat licima koja su vidno pod uticajem alkohola ili opojnih droga ili koja pokušavaju unijeti u sportski objekat predmete iz člana 4. ovog Zakona;
- zabraniti gledaocima prelaz iz jednog dijela sportskog objekta u drugi dio;
- zadržati gledaoce koji se nasilno ponašaju ili na drugi način remete javni red i mir i o tome odmah obavijestiti policiju.;
- udaljiti iz sportskog objekta gledaoce koji su vidno pod uticajem alkohola ili opojne droge ili koji se nasilno ponašaju ili na drugi način remete javni red i mir;
- onemogućiti pristup gledaocima onim dijelovima sportskog objekta koji im nije namjenjen;
- spriječiti gledaoce, kao i sva druga lica prisutna na takmičenju, u pokušaju ili činjenju i svakog drugog protivpravnog ponašanja.

Član 16.

Redari u obavljanju svojih poslova mogu upotrijebiti fizičku snagu ako na drugi način ne mogu odbiti:

- napad usmjeren prema sebi, gledaocima, takmičarima ili drugim licima;
- napad usmjeren na uništenje ili oštećenje dijelova sportskog objekta, opreme, uređaja ili sl.

Član 17.

Organizator sportskog takmičenja kao redar može zapošljavati ili angažovati samo lica:

- koja imaju fizičke i psihičke sposobnosti za obavljanje poslova redara;
- koja imaju najmanje srednju stručnu spremu;
- protiv kojih se ne vodi krivični postupak i da nisu osuđivani za krivično djelo za koje se gonj po službenoj dužnosti, odnosno da nisu kažnjavana za prekršaj protiv javnog reda i mira koji ima obilježje nasilja;

Posebnim pravilnikom bliže će se propisati uredenje i organizacija redarske službe iz stava 1. ovog člana.

IV SPORTSKI OBJEKAT

Član 18.

Sportski objekat, pored uslova propisanih posebnim propisima, mora imati dovoljan broj ulaza i

izlaza, mogućnost postavljanja odgovarajućih ograda ili drugih prepreka radi odvajanja pojedinih grupa gledalaca, uspostavljen sistem razglasa, sistem zaštite od požara, prostor za pružanje hitne medicinske pomoći, dovoljan broj sanitarnih čvorova smještenih na pojedinim dijelovima sportskog objekta.

Član 19.

Ako sportski objekat ima parkiralište, prostor za parkiranje autobusa mora biti odvojen od prostora za parkiranje putničkih automobila.

Posebno mora biti odvojen i obezbijeđen prostor za parkiranje autobusa i putničkih vozila navijača gostujućeg sportskog kluba.

Ako sportski objekat nema parkiralište ili je njegovo parkiralište nedovoljno za prihvatanje očekivanog broja autobusa, organizator će o tome obavijestiti nadležni općinski organ koji je dužan obezbijediti adekvatan prostor za parkiranje autobusa.

Član 20.

Ulazna i izlazna vrata u sportski objekat i sva vrata prema gledalištu moraju biti otključana za vrijeme dok su gledaoci u sportskom objektu.

Izuzetno, nadležni rukovodilac obezbijeđenja može narediti da se sva ili pojedina vrata prema gledaocima zaključaju.

Sva vrata na ulazima i izlazima moraju imati mehanizme za zatvaranje, odnosno otvaranje kojima se brzo i jednostavno rukuje.

Ulazna i izlazna vrata, prostor za prodaju ulaznica, rampe za usmjeravanje gledalaca, prolazi (tuneli) i stepenice, moraju biti odgovarajuće i vidljivo označeni i pod stalnim nadzorom redara ili policije za vrijeme sportskog takmičenja.

U vanrednim situacijama mora biti obezbijeđena mogućnost puštanja gledalaca na takmičarski prostor.

Član 21.

Razglas mora biti jasan i jači od buke koju mogu stvoriti gledaoci unutar i izvan sportskog objekta.

Organizator sportskog takmičenja je dužan obezbijediti da se poruke upute i navijačima inostranog sportskog kluba na njihovom jeziku.

Organizator sportskog takmičenja je dužan snimiti sva obraćanja navijačima putem razglasa.

Član 22.

Unutar sportskog objekta nije dozvoljena prodaja i distribucija alkoholnih pića.

Bezalkoholna pića se smiju prodavati i distribuirati samo u papirnim i plastičnim čašama.

Član 23.

Ako se sportska takmičenja održavaju noću, sportski objekti moraju biti opremljeni samostalnim izvorom električne energije, dovoljnim da u slučaju nestanka električne energije iz javnog sistema, obezbijedi stepen rasvjete dovoljan za bezbjednost gledalaca.

Član 24.

Organizator sportskog takmičenja, u skladu sa procjenom bezbjednosti, vrste i značaja sportskog takmičenja, očekivanog broja gledalaca i drugih okolnosti, mora otvoriti ulazne kapije i omogućiti blagovremen ulazak gledalaca, kako bi se izbjegle gužve i eventualni neredi prilikom ulaska gledalaca u sportski objekat.

V GLEDAOCI, SPORTISTI I DRUGA LICA KOJA UČESTVUJU U SPORTSKOM TAKMIČENJU

Član 25.

Gledalac se za vrijeme sportskog takmičenja, kao i tokom dolaska i odlaska, ne smije ponašati suprotno odredbama ovog Zakona.

Gledaocu koji počini prekršaj propisan ovim Zakonom može se zabraniti i spriječiti dolazak na sportsko takmičenje, kao i udaljiti iz sportskog objekta i iz okoline sportskog objekta ili mjesta održavanja sportskog takmičenja.

Član 26.

Sportisti, treneri i članovi uprava sportskih klubova dužni su u svojim javnim nastupima suzdržati se od bilo kakvih izjava koje mogu izazvati ili koje su izazvale protivpravno ponašanje gledalaca.

Sportski klubovi, sportski savezi i druga sportska udruženja, dužni su svojim propisima utvrditi disciplinske sankcije koje će se preduzimati prema sportistima, trenerima i članovima uprave sportskog kluba ako su njihovi javni nastupi ili ponašanja prije, za vrijeme ili nakon održavanja sportskog takmičenja mogli izazvati ili su izazvali protivpravno ponašanje gledalaca.

Pokretanje disciplinskog postupka iz stava 2. ovog člana nije uvjetovano pokretanjem prekršajnog ili krivičnog postupka za lica iz stava 2. ovog člana.

VI POLICIJA

Član 27.

Policija je ovlaštena da utvrdi identitet, pregleda i oduzme oružje i druga sredstva pogodna za nanošenje povreda ili stvaranje nereda i nasilja, pirotehnička sredstva, opojne droge ili alkoholna pića, svim licima koja se izjasne kao navijači ili nose navijačke oznake ili za koje se osnovano pretpostavlja da idu na sportsko takmičenje.

Mjere iz stava 1. policija će preduzeti i prema licima koja svojim ponašanjem izazivaju sumnju da su pod uticajem alkohola ili opojnih droga ili se drugačije protivpravno ponašaju.

Mjere iz stava 1. ovog člana policija će preduzeti i prema licima koja nose transparente ili druge predmete s tekstom, slikom, znakom ili drugim obilježjima koja vrijeđaju nacionalna, vjerska, rasna i moralna osjećanja građana i koja potiču mržnju ili nasilje.

Pored mjera iz stava 1. ovog člana policija može takva lica udaljiti iz sredstava javnog saobraćaja, zabraniti im dolazak u mjesto sportskog takmičenja ili ulazak u sportski objekat, te u posebnim okolnostima iste zadržati do isteka tri sata nakon završetka sportskog takmičenja.

Policija je ovlaštena da u sprovođenju odredbi ovog člana može izvršiti pregled autobusa, voza ili putničkog automobila koji prevoze navijače na sportsko takmičenje i sa sportskog takmičenja.

Ako je lice iz stava 1. ovog člana vozač ili suvozač u putničkom automobilu, policija može istog isključiti iz saobraćaja do isteka vremena od tri sata nakon završetka sportskog takmičenja.

Član 28.

Mjere iz člana 27. stav 1., 2. i 3. ovog Zakona policija je ovlaštena da preduzima i prema gledaocima u toku održavanja sportskog takmičenja.

Član 29.

Policija će lica iz člana 27. i 28. ovog Zakona privedi i zadržati u službenim prostorijama policije.

Član 30.

Policijskim službenicima koji obavljaju poslove unutar sportskog objekta u civilnoj odjeći organizator sportskog takmičenja dužan je obezbijediti nesmetan ulaz.

Član 31.

Policija je ovlaštena da na osnovu bezbjednosne procjene može zabraniti rad ugostiteljskih i drugih objekata u sklopu i neposrednoj blizini sportskog objekta.

Zabrana iz stava 1. ovog člana utvrđuje se rješenjem koje donosi nadležna policijska uprava.

Protiv rješenja iz stava 2. ovog člana može se izjaviti žalba Ministarstvu unutrašnjih poslova Zeničko-dobojskog kantona.

Član 32.

Ukoliko policija ocijeni da usljed protivpravnog ponašanja gledalaca u sportskom objektu ili u mjestu održavanja prijeti opasnost za bezbjednost gledalaca, navijača i građana, te mogućeg narušavanja javnog reda i mira u većem obimu, može zabraniti održavanje sportskog takmičenja ili prekinuti već započeto sportsko takmičenje.

Odluku o zabrani održavanja ili prekidanju već započetog sportskog takmičenja donosi načelnik nadležne policijske uprave uz saglasnost policijskog komesara.

Član 33.

Policija će u sprovođenju mjera propisanih ovim Zakonom koristiti i ovlaštenja propisana i drugim zakonima.

VII KAZNENE ODREDBE

Član 34.

Sankcije za prekršaje propisane ovim Zakonom su novčana kazna, kazna zatvora i zaštitne mjere.

Za starije maloljetnike može se izreći ukor i novčana kazna, kao i zaštitne mjere.

Prekršajni postupak za prekršaje propisane ovim Zakonom pokreće nadležna policijska uprava.

Član 35.

Sud za prekršaje može počincocu prekršaja propisanog ovim Zakonom uz novčanu kaznu ili kaznu zatvora, pored zaštitnih mjera propisanih Zakonom o prekršajima, izreći i zaštitnu mjeru zabrane prisustvovanja sportskim takmičenjima u trajanju od tri mjeseca do jedne godine.

Posebnom Instrukcijom propisat će se način i postupak evidentiranja i izvršenja zaštitne mjere iz stava 1. ovog člana.

Član 36.

Ukoliko je sportsko takmičenje, na osnovu zajedničke bezbjednosne procjene policije i sportskog saveza ocijenjeno sa visokim rizikom od izbijanja nereda ili nasilja, organizator je dužan da obavijesti predsjednika nadležnog Suda za prekršaje u smislu određivanja dežurnog sudije za vrijeme sportskog takmičenja.

Član 37.

Policija će o maloljetnim licima za koje je utvrdila da su se protivpravno ponašali u smislu ovog Zakona obavijestiti njihove roditelje, odnosno staratelje i nadležni Centar za socijalni rad.

Član 38.

Novčanom kaznom od 1000-5000 KM kaznit će se za prekršaj organizator sportskog takmičenja ako:

1. Na sportskom takmičenju nema organizovanu redarsku službu (član 11.);
2. Poslove redara obavljaju lica koja nemaju oznake ili natpis koji označava da su pripadnici redarske službe (član 12.);
3. Kao redara zapošljava ili angažuje lica koja ne mogu biti redari (član 17.);

Za prekršaje iz stava 1. ovog člana novčanom kaznom od 500 do 1000 KM kaznit će se i odgovorno lice organizatora sportskog takmičenja.

Član 39.

Novčanom kaznom od 1000 do 3000 KM kaznit će se za prekršaj organizator sportskog takmičenja:

1. Ako ne sačini plan evakuacije (član 19. stav 1);
2. Ako ne obezbijedi prisustvo hitne medicinske pomoći i vatrogasne službe (član 10.);
3. Ako na parkiralištu sportskog objekta ne odvoji poseban prostor za parkiranje autobusa (član 17. stav 1.);
4. Ako ulazna i izlazna vrata sportskog objekta, prostor za prodaju ulaznica, rampe za usmjeravanje gledalaca, prolazi (tuneli) i stepenice nisu odgovarajuće vidljivo označene i ako vrata nemaju mehanizme za zatvaranje i otvaranje (član 18. stav 3 i 4.);

5. Ako se ulazna i izlazna vrata sportskog objekta, prostor za prodaju ulaznica, rampe za usmjeravanje gledalaca, prolazi (tuneli) i stepenice ne nalaze pod stalnim nadzorom redara (član 18. stav 4.);
6. Ako prije održavanja sportskog takmičenja nije organizovao pregled sportskog objekta u kojem se organizuje sportsko takmičenje (član 20. stav 1.);
7. Ako održava sportsko takmičenje bez uspostavljenog razglasa (član 16.);
8. Ako unutar sportskog objekta omogućiti i tolerirati prodaju ili distribuciju alkoholnih pića (član 22. stav 1.);
9. Ako sportski objekat nije opremljen samostalnim izvorom električne energije (član 23.);
10. Ako blagovremeno ne otvori i ako ne omogućiti ulazak gledalaca u sportski objekat (član 24.);
11. Ako ne obezbijedi rukovodiocu obezbjeđenja adekvatnu prostoriju (član 7.);
12. Ako stavi u promet veći broj ulaznica za gledaoce sportskog takmičenja od dozvoljenog (član 5. stav 3.)

Za prekršaj iz stava 1. ovog člana novčanom kaznom od 400-800 KM kaznit će se odgovorno lice organizatora sportskog takmičenja.

Član 40.

Novčanom kaznom od 300 do 500 KM ili kaznom zatvora u trajanju do 60 dana kaznit će se za prekršaj fizičko lice koje:

1. Posjeduje ili upotrebljava oružje ili drugo sredstvo pogodno za nanošenje povreda i stvaranje nereda (član 4. stav 1. tačka 1.);
2. Posjeduje ili upotrebljava pirotehnička sredstva (član 4. tačka 2.);
3. Posjeduje ili konzumira opojnu drogu ili alkoholno piće (član 4. tačka 3.);
4. Unosi u sportski objekat oružje ili druge predmete (član 4. tačka 4.);
5. Unosi u sportski objekat pirotehnička sredstva (član 4. tačka 5.);
6. Unosi u sportski objekat opojnu drogu ili alkoholno piće (član 4. tačka 6.);
7. Unosi ili ističe transparente ili druge predmete sa lektom, slikom, znakom ili drugim obilježjima koja vrijeđaju nacionalna, vjerska, rasna i moralna osjećanja građana ili potiču mržnju i nasilje (član 4. tačka 7.);
8. Pjeva pjesme ili izvikuje poruke ili na drugi način vrijeđa nacionalna, vjerska, rasna i moralna osjećanja građana ili potiče mržnju i nasilje (član 4. tačka 8.);
9. Baca predmete u takmičarski prostor ili u prostor za gledaoce ili baca predmete iz

sportskog objekta u okolni prostor (član 4. tačka 9.);

10. Pali navijačke rekvizite i druge predmete (član 4. tačka 10.);
11. Prijetiti, poziva ili potiče na napad ili tuču (član 4. tačka 11.);
12. Učestvuje u tuči ili napadima na druge (član 4. tačka 12.);
13. Bez dozvole ulazi u takmičarski prostor (član 4. tačka 13.);
14. Uništava ili oštećuje dijelove sportskog objekta, prevoznih sredstava i druge imovine (član 4. tačka 14.);

Za prekršaje iz stava 1. ovog člana tačke 1., 2., 4., 5., 7., 8., 11. i 12. pored propisane novčane kazne ili kazne zatvora izreći će se i zaštitna mjera zabrane prisustvovanja sportskim takmičenjima u trajanju od tri mjeseca do jedne godine.

Za prekršaje iz stava 1. ovog člana tačke 3., 6., 9., 10., 13. i 14. pored propisane novčane kazne ili kazne zatvora može se izreći i zaštitna mjera zabrane prisustvovanja sportskim takmičenjima u trajanju od tri mjeseca do jedne godine.

VIII ZAVRŠNE ODREDBE

Član 41.

Sportski klubovi su dužni da svoje akte usklade sa odredbama ovog Zakona u roku od jednog mjeseca od dana stupanja na snagu ovog Zakona.

Vlasnici ili korisnici sportskih objekata dužni su u roku od tri mjeseca od dana stupanja na snagu ovog Zakona opremiti sportske objekte u skladu sa odredbama ovog Zakona.

Član 42.

Ministar za obrazovanje, nauku, kulturu i sport Zeničko-dobojskog kantona dužan je u roku od dva mjeseca od dana stupanja na snagu ovog Zakona donijeti Pravilnik kojim će se bliže propisati posebni uslovi koji moraju ispunjavati sportski objekti, shodno odredbama ovog Zakona.

Ministar unutrašnjih poslova Zeničko-dobojskog kantona dužan je u roku od dva mjeseca od dana stupanja na snagu ovog Zakona donijeti Pravilnik o uredenju i organizaciji redarske službe iz člana 17. i Instrukciju o načinu i postupku evidentiranja i izvršenja zaštitne mjere iz člana 35. ovog Zakona.

Član 43.

Ovaj Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-3343/06

PREDSJEDAVALAČI

15.02.2006.godine

Zenica

Besim Spahić, s.r.

.....

Član 2.

Ovaj zakon stupa na snagu osmog dana od dana objavljivanja u «Službenim novinama Zeničko-dobojskog kantona».

Broj: 01-02-13620/07

PREDSJEDAVALAČI

Datum, 07.06.2007. godine
Zenica

Sejad Zaimović, s.r.

118.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 7. sjednici održanoj 06.06.2007. godine, d o n o s i:

**ZAKON O IZMJENAMA
ZAKONA O BEZBJEDNOSTI
ODRŽAVANJA SPORTSKIH TAKMIČENJA
U ZENIČKO-DOBOJSKOM KANTONU**

Član 1.

U Zakonu o bezbjednosti održavanja sportskih takmičenja u Zeničko-dobojskom kantonu ("Službene novine Zeničko-dobojskog kantona", broj: 2/06) u članu 34. u stavu 1. zarez i riječi "kazna zatvora" se brišu.

Član 2.

U članu 35. stav 1. mijenja se i glasi:

"Nadležni općinski sud može počinitelju prekršaja propisanog ovim Zakonom, uz novčanu kaznu, pored zaštitnih mjera propisanih Zakonom o prekršajima Federacije Bosne i Hercegovine ("Službene novine Federacije Bosne i Hercegovine", broj: 31/06), izreći i zaštitnu mjeru zabrane prisustvovanja sportskim takmičenjima u trajanju od tri mjeseca do jedne godine."

Član 3.

U članu 36. riječi "Suda za prekršaje" zamjenjuju se riječima "općinskog suda".

Član 4.

U članu 40. u stavu 1. riječi "ili kaznom zatvora u trajanju do 60 dana" i u stavu 2. i 3. riječi "ili kazne zatvora" se brišu.

Član 5.

Ministar unutrašnjih poslova Zeničko-dobojskog kan-

tona, dužan je u roku od 30 dana od dana stupanja na snagu ovog Zakona, Instrukciju iz člana 35. Zakona, uskladiti sa odredbama ovog zakona.

Član 6.

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-13621/07

PREDSJEDAVALAČI

Datum, 07.06.2007. godine
Zenica

Sejad Zaimović, s.r.

119.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 7. sjednici održanoj dana 06.06.2007. godine, d o n o s i:

O D L U K U

**o izmjenama Odluke o utvrđivanju i
načinu izmirenja unutrašnjeg duga
Zeničko-dobojskog kantona**

Član 1.

U Odluci o utvrđivanju i načinu izmirenja unutrašnjeg duga Zeničko-dobojskog kantona („Službene novine Zeničko-dobojskog kantona“, broj 10/05), u članu 4. u tački a), broj „6.230.000,00“, zamjenjuje se brojem „4.880.000,00“, a u tački c), broj „700.000,00“, zamjenjuje se brojem „2.050.000,00“.

Član 2.

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 01-14-13623/07

PREDSJEDAVALAČI

Datum, 07.06.2007. godine
Zenica

Sejad Zaimović, s.r.

120.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 7. sjednici održanoj dana 06.06.2007. godine, donosi:

O D L U K U

**o davanju saglasnosti na kreditno
zaduženje**